

Канон Честному Кресту

Творение Григория Синаита.

Тропарь, глас 4-й

Спаси, Господи, люди Твоя, и благослови достояние Твое, победы православным христианом на сопротивныя даруя, и Твое сохраняя Крестом Твоим жительство.

Глас 4

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся светло торжествуя, и воспою радуясь Той чудеса.

Припев: Слава, Господи, Кресту Твоему Честному

Кресте всесильне, апостолов похвала, преподобных утверждение, и верных знамение, иерархов и мучеников слава, победа и утверждение всех, хвалящих тя.

Слава, Господи, Кресту Твоему Честному

Кресте всечестный, четвероконечная сила, апостолов благолепие и мучеников крепость, немощных здравие показался еси, мертвых воскресение, падающих воздвижение.

Слава: Кресте, ты ми сила буди, крепость и держава, избавитель и предрачник на борющия мя, щит и хранитель, победа и утверждение мое, присно соблюдая мя и покрывая.

И ныне: На Кресте, Всенепорочная, Твоего Сына яко узрела еси, оружие скорбное утробу Твою растерза, и восклицала еси рыдаючи в болезни, но абие прославила еси Креста силу.

Песнь 3

Ирмос: Твоя песнословцы, Богородице, живый и независтный источник, лик себе совокупльшия духовно утверди, в Божественней Твоей славе венцев славы сподоби.

Слава, Господи, Кресту Твоему Честному

Кресте, преподобных оружие, обоюдный меч Христов, верных удобрение, болящих исцеление и заступление, и воздвижение умерших, Всечестне.

Слава, Господи, Кресту Твоему Честному

Кресте, основание благочестия, бесом показался еси губитель, церквам благолепие, нечестивым погибель, врагом посрамление в день судный.

Слава: Кресте живоносный, ты ми буди крепость, и победа, и щит, и стена нератуема, бесов отгнание, и помыслов погашение, и ума моего

сохранение.

И ныне: Распятие поносное, Деве Владычице, Твой Сын претерпел есть, и смерть неподобную: но вознесся, низверже противныя вражия силы, яко безсмертен.

Седален, глас 8-й

Проображаше тайно древле Иисус Навин креста образ, егда рuce простре крестовидно, Спасе мой, и ста солнце, дондеже враги низложит противостоящая Ти, Богу. Ныне же зайде, на Кресте Тя зря, дондеже державу смертную разрушив, весь мир совоздвигл еси.

Песнь 4

Ирмос: Седяй в славе на престоле Божества, во облаце легце, прииде Иисус Преможественный, нетленную дланию, и спасе зовущия: слава, Христе, силе Твоей.

Слава, Господи, Кресту Твоему Честному

Четвероконечный сый мир, и яко триобойднй меч, начала тмы сечеши, нами воображаемь, Кресте, оружие великое Христово, и непобедимое победительство всеильное.

Слава, Господи, Кресту Твоему Честному

Твоя высота, Живоносне Кресте, воздушнаго князя биет, и глубина вся бездны закаляет змия, широту паки воображает, низлагая мирскаго князя крепостию Твоею.

Слава: Вознесся сопривлекл еси падшия, воздвигл еси естество земное, Престолу Божию прославился еси, Кресте, высоту великая, мирский мосте, душу мою от страстей глубины вознеси вскоре.

И ныне: Крестообразно, Пречистая Отроковице Богородице, длани Твоя распостерши к Воздвиженному на Кресте, и молитвы, Деве, ныне принеси, за всех, верно молящихся Тебе.

Песнь 5

Ирмос: Ужасошася всяческая о Божественней славе Твоей: Ты бо, неискусобрачная Деве, имела еси во утробе над всеми Бога, и родила еси безлетнаго Сына, всем воспевающим Тя мир подавающая.

Слава, Господи, Кресту Твоему Честному

Кресте, небесная лестнице, святыни степенем наставниче, Христова высота и слава еси, Божий образ назнаменателен миру, невидимому же и видимому, единосестне.

Слава, Господи, Кресту Твоему Честному

Кресте, образе неописанный силою, освящение водам, очищение воздуху, освящение и просвещение всякому, мужества знамение и Христов скипетр непреложный показался еси, противныя в землю попирая.

Слава: Кресте всеильне, злочестивыя низложит враги, ненавидящая и хулящая тя безумно; языки попали, и угаси шатания их. О Кресте всесвятый и христоносный, сохрани нас державою твоею.

И ныне: Всех Царице Владычице, скипетром Рождества Твоего разруши, Деве, востание хулящих крестную силу, даждь нам крепость и очищение, победу и помощь.

Песнь 6

Ирмос: Божественное сие и всечестное совершающе празднество, богомудрии, Богоматере, приидите, руками восплещим, от Нея рождаемого Бога славим.

Слава, Господи, Кресту Твоему Честному

Крест всех воскресение, Крест падших исправление, страстей умерщвление, и плоти пригвождение, Крест душам слава, и свет вечный.

Слава, Господи, Кресту Твоему Честному

Крест врагов губитель, Крест злостивых язва и пленение, и верных держава, благочестивых хранитель и бесов отгонитель.

Слава: Крест страстей пагуба, Крест помыслов отгниение, Крест сокрушение языческое искучительно, и духовом показася ловительство.

И ныне: Крест воздвигется, и падают духов воздушных чинов; Крест низходит, и нечестивии вси ужасаются, яко молнию видяще крестную силу.

Кондак, глас 4-й

Вознесыйся на Крест волею, тезоименитому Твоему новому жительству щедроты Твоя даруй, Христе Боже, возвесели нас силою Твоею, победы дая нам на сопостаты, пособие имущим Твое, оружие мира, непобедимую победу.

Икос

Иже до третияго небесе восхищен бысть в рай и глаголы слышав неизреченныя и Божественныя, ихже не леть языки человеческими глаголати; что галатом пишет, яко рачителие писаний прочтосте и познасте: мне, глаголет, хвалитися да не будет, токмо во едином Кресте Господни, на немже страдав уби страсти. Того убо и мы известно держим Крест Господень, хвалу вси: есть бо нам спасительное сие Древо, оружие мира, непобедимая победа.

Песнь 7

Ирмос: Не послужиша твари богомудрии паче Создавшего, но огненное прещение мужески поправше, радовахуся поюще: препетый отец Господь и Бог благословен еси.

Слава, Господи, Кресту Твоему Честному

Нераздельную Троицу и неслиянну, естество единством богословим, Отца нерожденна, и рожденна Сына, и Святого исходительнаго Божественнаго Духа песньми поюще: благословен Бог отец наших.

Слава, Господи, Кресту Твоему Честному

Незаходительными молниями Твоими, Трипостасне, наша озари умныя очи, доброту Твою, Трисветле, пресущественную зрети, яже человеком неведомая и неприступная Ангелом.

Слава: Лучами света Твоего падшую мою душу возведи от глубины, благий Боже, препетый и всеильный, попользуюся от света благодатнаго, и во тму возглубльшуюся.

И ныне: Крестообразно простерши рuce, Чистая, к распростершему Свой рuce на Древе Крестнем, и вознесшему естество наше, и умертвившему враждебныя полки, молящи не престай.

Песнь 8

Ирмос: Отроки благочестивыя в пещи Рождество Богородичо спасло есть; тогда ўбо образуемое, ныне же действующее, вселенную всю воздвизает пѣти Тебѣ: Господа пойте, дела, и превозносите Его во вся вѣки.

Слава, Господи, Кресту Твоему Честному

Высотѣ Христовыхъ страстей, и лук и оружье и меч, оружье непостыдное, и сила непобѣдимая, Христово подножие, и победительство на враги; знамение Царствия, скиптре верныхъ, показался еси, Кресте победоносне.

Слава, Господи, Кресту Твоему Честному

Воздвигл еси наше падшее естество Христомъ распеншимся и совозставил; высотѣ Божественная, глубинѣ неизглаголаная, Христово ты еси знамение, Кресте пребогате, и широтѣ безмѣрная, и знамение непостижимыя Троицы, жизноточе.

Слава: Устами, душею же и сердцемъ Крест Господень лобызающе, приидите, ныне вознесемъ вси и возвеличимъ; поклоняющеся рцемъ вкупѣ песнь пречистую, вопиюще: радуйся, великое богатство, Кресте, церковное украшение.

И ныне: Древо жизни и спасения, Древо безсмертия, Древо разума, Древо трилюбезное, нетленное и неизнуряемое, Крест трисоставный, честное Древо: Троицы бо носит Трипостасныя образ.

Песнь 9

Ирмос: Всяк земнородный да възграется, Духомъ просвещаемъ, да торжествуетъ же безплотныхъ умовъ естество, почитающее священное торжество Богоматере, и да вопиетъ: радуйся, Всеблаженная Богородице, Чистая Приснодево.

Слава, Господи, Кресту Твоему Честному

Кто слышана сотворитъ, якоже пишетъ, действия твоѣ, миролюбезный Кресте, силы и чудеса, умершихъ возстание. И миръ весь совознесл еси, вознесыйся къ Богу, многожелаемый.

Слава, Господи, Кресту Твоему Честному

Утверждение верныхъ Крестъ треблаженный, знамение и похвала, Древо всеильное, Крестъ Христовъ великий и совершенный, апостоловъ похвала, преподобныхъ утверждение и мучениковъ крепость, победа и похвала.

Слава: Радуйся, Кресте, образе неописанный и многоименный, Древо требогатное, страшное же и всеблаженное; радуйся, Кресте всесвятыи и всеильный. Радуйся, хранителю жизни нашея, Господень Кресте многопѣтый.

И ныне: Кресте Честный, хранитель души и телу буди ми, образомъ своимъ бесы низлагая, враги отгоняя, страсти упраздняя, и благословение даруя ми, и жизнь и силу, содействиемъ Святаго Духа и честными Пречистыя мольбами.

Светилен

Крест, хранитель всея вселенныя: Крест, красота Церкви; Крест, верныхъ утверждение; Крест, Ангеловъ слава, и демоновъ язва.

Слава, И ныне: Пособивый, Господи, кроткому Давиду покорити иноплеменика, оружиемъ Креста низложи враги наша. Покажи,

Благоутрѣбне, на нас дрѣвняя мѣлости Твоя, и да разумѣют воистинну, яко Ты еси Бог, и на Тя надеющіися побеждаем, молящіися обычно Пречистей Твоей Матери, дароватися нам велией мѣлости.

Молитва

О Всечестный и Животворящий Кресте Господень, кровию Христа Бога нашего освященный! Ты еси знамение победы на враги наша видима и невидима; Ты имаше явиться в час страшнаго суда Христова. Тебе смиренно поклоняюся, честно прикасаюся и любезно тя лобызаю, нынешнее моление к Распятому на тебе принося, да исцелит мя силою в тебе Своею от всех недугов душевных и телесных, и сохранит от враг видимых и невидимых и неосужденна на суде Своем одесную поставит. Ей, животворящий Кресте святыи! На тебе Спас, умирая за умершия грехми человеки, дух Свой яко человек испустил, кровь же и воду источил, и сими тремя едином, еже паче всех есть на потребу, спасение нам содела, во славу источника вод живых, Бога Отца, Себе же от кровей девических воплощенна Бога Сына, и Бога Духа Святаго, оживляющаго дух человекъ, Ихже трех во едином Божестве славити и мне пособи от воды крещения восприятою верою непорочною, во причасти же плоти и крове Господних надеждою несумненною, и в покаянии духом сокрушенным, и любовию нелицемерною, да тако не токмо в жизни сей плачевней, яко вода мимотекущей, но и в будущем блаженном животѣ прослаблю Господа, посбием силы твоея, Кресте преблаженне, и поклонюся Ему самым лица зрением Верованному, одержанием же Чаянному и наслаждением Любимому, единому в Троице славному в безконечныя веки веков. Аминь.